



CONSELLERÍA DE MEDIO AMBIENTE

Xurado Provincial de Montes Veciñais en Man Común

Edificio Administrativo de Servicios Múltiples

Praza Luis Seoane - 15008 A CORUÑA - Telf.: 981 18 59 02 - 981 18 59 03

Resolución de 29 de maio de 2002, do Xurado Provincial de Montes Veciñais en Man Común da Coruña pola que se resolve o expediente nº 370 que afecta ó monte "Carboeiros ou Fieiteira, Borrallas, Relleiras de Montemayor, Su-Recosta, Campo de Areosa e A Pena", do lugar de Brives, parroquia de Vimianzo, concello de Vimianzo:

"Reunido o 29 de maio de 2002 o Xurado Provincial de Montes Veciñais en Man Común da Coruña, baixo a presidencia do delegado provincial da Consellería de Medio Ambiente, D. Higinio J. Sánchez-Rodilla Fuentes, coa asistencia dos vocais, Josefa Fernández Fernández, xefa do Servicio de Montes e I.F., Alfonso Vázquez Castro-Garma, letrado do Gabinete Xurídico Territorial da Xunta de Galicia, Juan Ramón Beneyto Bellas, representante do Colexio de Avogados da Coruña, José Manuel Caramés Franco, representante das comunidades veciñais de Montes en Man Común, e da secretaria Ana María Díaz López, xefa do Servicio Xurídico da Delegación de Medio Ambiente da Coruña, para estudar e resolve-lo

Expediente: 370

Monte: Carboeiros ou Fieiteira, Borrallas, Relleiras de Montemayor, Su-Recosta, Campo de Areosa e A Pena.

Lugar: Brives

Parroquia: Vimianzo

Concello: Vimianzo

ANTECEDENTES DE FEITO:

1º. Os veciños do lugar de Brives, na parroquia de Vimianzo, concello de Vimianzo, solicitaron deste Xurado, con data 09.03.2000, a declaración como veciñal do expresado lugar, do monte arriba citado e que ten as seguintes características:

Superficie: 93,14 Ha.

Lindeiros:

NORTE: Parcelas particulares de veciños de Calo (Ricardo Monterroso, Manuel Soto, Juan Mourelle, José Maceiras, José Costa, Juan Mourelle, Ricardo Monterroso, Hdos. De Alfredo Lema, Eulogio Carballo, Francisco Pose, Evaristo Pais, e outros), parcelas particulares de veciños de Brives (Francisca López, Manuel Pedreira, Alejandro Aguián, Antonio Barros, Salvador Blanco, Andrés Soto, Hdos. Vicente Oreiro, Víctorio García, José Oreiro), e parcelas particulares de veciños da Valiña (Angel Arjomil, Ramón Insua, e outros). LESTE: Parcelas particulares dos veciños de Calo (José Costa e outros), parcelas particulares de veciños de



CONSELLERÍA DE MEDIO AMBIENTE

Xurado Provincial de Montes Veciñais en Man Común

Edificio Administrativo de Servicios Múltiples

Praza Luis Seoane - 15008 A CORUÑA - Telf.: 981 18 59 02 - 981 18 59 03

Brives (Andrés Soto, María Oreiro, Estrella Oreiro, Manuel Lema, Manuel Aguiar, e Ricardo Lema), e camiño veciñal. SUR: Camiño público de Carnés a Vimianzo, e monte veciñal do lugar da Valiña. OESTE: Parcelas particulares de veciños de Brives (Manuel Aguiar, Consuelo Carballo) e monte veciñal da parroquia de Carantoña.

20. A vista de tal solicitude, o Xurado, na súa reunión do 10.05.2001, acordou inicia-lo oportuno expediente, nomeándose como Instructor del a Alfonso Vázquez-Castro Garma, quen aceptou expresamente o dito cargo. Procédese á correspondente tramitación, librándose mandamento para a anotación preventiva no Rexistro da Propiedade de Corcubión, oídas tódalas persoas, organismos e corporacións interesadas, expedíndose mandamientos a tal fin dirixidos ó alcalde-presidente do concello de Vimianzo, ó xefe do Servicio de Montes e I.F. e publicándose edictos no D.O.G. (nº 175 de 10.09.2001), taboleiro de anuncios do concello e lugares de costume.

30. Os veciños de Brives fundamentan a súa petición ante o Xurado Provincial de Montes Veciñais en Man Común na posesión e aproveitamento que desde tempos inmemoriais veñen facendo do monte de dito lugar. Presentan copia da Sentencia firme da Audiencia Provincial da Coruña de data 29.04.1997, confirmatoria da sentenza de 10.01.1995 recaída en xuízo declarativo seguido polo Xulgado de Primeira Instancia nº 1 de Corcubión. Na mesma se considera acreditada a posesión e aproveitamento da comunidade sobre o citado monte.

40. Este monte xa foi obxecto do expediente nº 221 do Xurado, que na súa reunión de data 13.06.1983 acordou califica-lo monte como veciñal, desestimando con data 29.10.1984 o recurso de reposición formulado contra tal resolución. Interposto recurso contencioso-administrativo contra ambas resolucións, foi estimado pola sentenza de 29.05.1992 da sala do contencioso-administrativo do Tribunal Superior de Xustiza de Galicia, confirmada pola sentenza de 07.11.1995 da Sala Terceira, Sección Carta, do Tribunal Supremo.

Tales sentencias declaraban a nulidade das resolucións do Xurado, baseándose en que nos expedientes administrativos non se acreditou que o monte viñese sendo poseído e aproveitado polos veciños, ao considerar que os informes e documentos obrantes no expediente non eran base suficiente para califica-lo monte como veciñal.

Agora, a vista das novas sentencias aportadas, onde figura o recoñecemento explícito tanto da orixe veciñal do monte, como dos aproveitamentos realizados pola comunidade, o Xurado decide o inicio de novo expediente de calificación.

CONSELLERÍA DE MEDIO AMBIENTE

Xurado Provincial de Montes Veciñais en Man Común

Edificio Administrativo de Servicios Múltiples

Praza Luis Seoane - 15008 A CORUÑA - Telf.: 981 18 59 02 - 981 18 59 03

59. Publicados os edictos, e transcurrido o prazo para posibles reclamacións, non houbo presentada alegación algunha contra este expediente.

69. Na tramitación destas actuacións cumpríronse as formalidades legais e regulamentarias, esixidas principalmente pola Lei 13/89, do 10 de outubro, de montes veciñais en man común, e o seu Regulamento de aplicación aprobado polo Decreto 260/92, do 4 de setembro, ambos da Comunidade Autónoma de Galicia, Lei de procedemento administrativo e demais disposicións aplicables ó caso.

FUNDAMENTOS DE DEREITO:

19. O Xurado Provincial de Montes Veciñais en Man Común da Coruña ten xurisdicción e competencia para coñecer deste expediente en virtude do disposto nos artigos 9 e 10 da Lei 13/89, do 10 de outubro, de montes veciñais en man común.

29. De conformidade co contido do artigo 11 da citada Lei e 19 do Regulamento, aprobado polo Decreto 260/92, do 4 de setembro, os veciños do lugar de Brives son parte lexítima para solicitar a iniciación do presente expediente de calificación.

39. Para a súa calificación como veciñal en man común, o monte debe reunir as seguintes características: 1) Pertenza a agrupacións de veciños na súa calidade de grupos sociais, non como entidades administrativas; 2) Se aproveite consuetudinariamente en réxime de comunidade, sen asignación de cotas polos membros de cada agrupación na súa condición de veciños comuneiros; 3) Que os veciños comuneiros residan habitualmente con casa aberta dentro da área xeográfica sobre a que se asenta o grupo social que tradicionalmente aproveitou o monte (artigos 1, 2 e 3 da Lei 13/89 e 1, 2 e 3 do Regulamento do 4 de setembro de 1992).

49. Das actuacións obrantes no expediente, e en especial da comprobación do expresado no punto anterior, que ven avalado polo recoñecemento tanto da orixe veciñal do monte, como dos aproveitamentos realizados pola comunidade solicitante que se recolle nas sentencias aportadas, dedúcese que no presente caso nos encontramos cun monte pertencente á Comunidade Veciñal do lugar de Brives, onde se cumpren os aludidos requisitos.

Por iso, este Xurado, á vista dos antecedentes e fundamentos de dereito expostos, por proposta do Instructor,

CONSELLERÍA DE MEDIO AMBIENTE

Xurado Provincial de Montes Veciñais en Man Común


Edificio Administrativo de Servicios Múltiples

Praza Luís Seoane - 15008 A CORUÑA - Telf.: 981 18 59 02 - 981 18 59 03

ACORDA calificar como veciñal en man común o monte Carboeiros ou Fieiteira, Borrallas, Relleiras de Montemayor, Su-Recosta, Campo de Areosa e A Pena, do lugar de Brives, parroquia de Vimianzo, concello de Vimianzo. Asimesmo, acordase excluí-lo declarado do Inventario de Bens do Concello e do Catálogo dos de Utilidade Pública, se neles estivera inscrito, incluíndolo no Rexistro de Montes Veciñais en Man Común que figura na Delegación de Medio Ambiente da Coruña".


A Coruña, 12 de xuño de 2002

Vº e Pr.
O PRESIDENTE DO XURADO,



Asdo. Higinio J. Sánchez-Rodilla Fuentes

A SECRETARÍA DO XURADO,



Asdo. Ana María Díaz López



CROQUIS DE LOS MONTES DENOMINADOS: 'CARBOEIRO' + 'FIELTEIRA', 'BORRALLAS',
'BELLEIRAS DE MONTE MAYOR', 'BU-RECOSTA',
'CAMPO DE AREOSA' y 'A PEÑA'

pertencientes al lugar de BRIVES de la parroquia y ayuntamiento de VIMIANO

Superficie: 98 Hectáreas 13 Ares 92 Centiáreas

